

欽定四庫全書

花菴詞選卷一

宋 黃昇 編

唐詞

凡看唐人詞曲當看其命意造語工緻處蓋語簡而意深所以為奇作也

李太白

名白號青蓮居士賀知章號之為謫仙

菩薩蠻

一詞為百代詞曲之祖

平林漠漠煙如織寒山一帶傷心碧暝色入高樓有人

欽定四庫全書
花菴詞選卷十二

宋詞

劉彥沖

名子翬號屏山先生劉忠顯公之子朱文公之師有屏山文集行於世小詞附其後

驀山溪

九日

欽定四庫全書

浮煙冷雨此日還重九秋去又秋來但黃花年年依舊

平臺戲馬無處問英雄茅舍小竹籬疎兀坐空搔首
客來何有草草三杯酒一醉萬緣空休貪他金印如斗
病翁老矣誰共賦歸與芰隴麥網溪魚未落它人後

滿庭芳

和胡明仲桂花詞

秋入微陰涼生平遠小山愁絕天南似聞還斷飛策偏
千巖葉底輕黃纂纂惱人是微裂芳緘脩然勝清真冷
淡無艷寄塵凡 澄潭歇兩岸波光搖動碧影相參任

宋 黃昇 編

定庫書
欽四全

花菴詞選

一

中國書局

宋·黃昇編

花庵詞選

常州大學圖書館藏

(一)

中國書店

花庵詞選

卷一至卷十二

詳校官主事臣石鴻緒

欽定四庫全書

集部十

花菴詞選

詞曲類 詞選之屬

提要

臣等謹案花菴詞選二十卷宋黃昇撰昇字叔
暘號玉林又號花菴詞客以所居有玉林又
有散花菴也毛晉刻六十家詞以昇作旻以
叔暘作叔陽而諸本實多作黃昇考此書舊
傳刊本又題曰黃旻而詩人王屑前有昇序

世所傳翻刻宋本猶鈎摹當日手書亦作黃
昇檢此書序末尚有當時姓名小印實昇字
蓋許慎說文昇字篆文作𠂔昇特以篆體署
名故作昇字晉不考六書妄改為昇殊為舛
謬至叔陽乃盧炳之字炳即作烘堂詞者晉
乃移而為昇之字益桃僵李代矣此乃所選
南宋詞人之作自康與之至洪瑱凡八十八
家而以已作附錄於末共七百五十餘首即

所稱中興以來絕妙詞選者是也其意蓋欲
以繼趙宏祚花間集曾慥樂府雅詞之後故
蒐羅頗廣又於作者姓名下各綴數語畧具
始末亦足以資考核惟所裒詞人祇有此數

而自序乃云得數百家則未免夸詞非其實
耳昇論詞最服膺姜夔故所錄多典雅清俊
非草堂詩餘專取俗體者可比又草堂詩餘刻
本多訛字及失名者而此猶舊帙於彼此並

收之作亦可互相參證云乾隆四十九年三

月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

花菴詞選卷一

宋 黃昇 編

唐詞

凡看唐人詞曲當看其命意造語工緻處蓋語簡而意深所以為奇作也

李太白

名白號青蓮居士賀知章號之為謫仙

菩薩蠻 二詞為百代詞曲之祖

平林漠漠煙如織寒山一帶傷心碧暝色入高樓有人

樓上愁 玉階空佇立宿鳥歸飛急何處是歸程長亭
更短亭

憶秦娥

簫聲咽秦娥夢斷秦樓月秦樓月年年柳色灞陵傷別
樂遊原上清秋節咸陽古道音塵絕音塵絕西風殘
照漢家陵闕

清平樂

翰林應制按唐呂鵬追雲集載應制詞
四首以後二首無清逸氣韻疑非太白

所作

禁庭春晝鶯羽披新繡百草巧求花下鬪只賭珠璣滿
斗日晚却理殘妝御前閒舞霓裳誰道腰支窈窕折
旋消得君王

又

禁闈秋夜月探金窻罅玉帳鴛鴦噴沉麝時落銀燈香
燄女伴莫話孤眠六宮羅綺三千一笑皆生百媚宸
遊教在誰邊

清平調辭

沈香亭應制

古詞多只四句

名花傾國兩相歡
長得君王帶笑看
解釋春風無限意
沈香亭北倚闌干

又

一枝紅艷露凝香
雲雨巫山枉斷腸
借問漢宮誰得似
可憐飛燕倚新妝

又

雲想衣裳花想容
春風拂檻露華濃
若非羣玉山頭見
會向瑤臺月下逢

白樂天

名居易號香山居士

長相思

閨怨二詞非後世作者所及

深畫眉淺畫眉
蟬鬢鬢雲滿衣
陽臺行雨迴
巫山
高巫山低暮雨
瀟瀟郎不歸
空房獨守時

又

此詞上四句皆談錢塘景

汴水流泗水流
流到瓜州古渡頭
吳山點點愁
思悠
悠恨悠悠恨
到歸時方始休
月明人倚樓

王建

有宮詞百首甚工

古調笑

團扇團扇美人病來遮面
玉顏顚顚三年誰復商量
筦絃管絃管春草昭陽路斷

又

蝴蝶蝴蝶飛上金花枝
葉君前對舞春風百葉桃花樹
紅紅樹紅樹燕語鶯啼日暮

又

羅袖羅袖睹舞春風已舊遙看歌舞玉樓好日新妝坐
愁愁坐愁坐一世虛生虛過

又

楊柳楊柳日暮白沙渡口船頭江水茫茫商人少婦斷
腸腸斷腸斷鷓鴣夜來失伴

三臺令

一名翠華引

池北池南草綠殿前殿後花紅天子千秋萬歲未央明

金定四庫全書
卷一
月清風

又

魚藻池邊射鴨芙蓉苑裏看花
日色赭黃相似不著紅
鸞扇遮

徐昌圖

木蘭花令

沈檀烟起盤紅霧一翦霜風吹繡戶
漢宮花面學梅妝
謝女雪詩栽柳絮
長垂天幕孤鸞舞旋炙銀笙雙鳳

語紅窻酒病對寒冰永覺相思無夢處

張志和

字子同婺州金華人居江湖自稱烟波釣徒著
玄真子亦以為號每垂釣不設餌志不在魚也

漁歌子五首

極能道漁家之事

西塞山前白鷺飛桃花流水鱖魚肥青筍笠綠蓑衣斜
風細雨不須歸

又

青草湖中月正圓
巴陵漁父棹歌連
釣車子櫂頭船
樂在風波不用仙

又

松江鱖舍主人歡
菰飯蓴羹亦共餐
楓葉落荻花乾
醉宿漁舟不覺寒

又

雪溪灣裏釣漁翁
舴艋為家西復東
江上雪浦邊風笑
著荷衣不歎窮